

續修四庫全書

《續修四庫全書》編纂委員會編

續修四庫全書

上海古籍出版社

五三・經部・書類

尚書商誼三卷

王樹枏撰

.....一

尚書誼詁八卷

馬其昶撰

陳漢章補注

.....二七

尚書誼略二十八卷叙錄一卷

姚永樸撰

.....三四五

古文尚書鄭氏注箋釋四十卷(卷一至卷九)

曹元弼撰

.....四四七

2273/06

尚書商誼

王樹枏
撰

據湖北省圖書館藏清光緒
十一年刻本影印原書版框
高一八二毫米寬二九五毫米

國朝治尚書者自王西莊氏搜輯馬鄭之說於是世之尊漢學守家法者遂執爲真孔嫡傳莫敢輕爲異議以相難余友吳摯甫獨以爲孔氏古說惟太史公得之最多蓋其親從安國問故又深知三代文章體要之所在故其著於史記者其說爲可憑而其誼爲最確余嘗以馬鄭所傳杜林之漆書古文乃古文字體非真見孔氏原書也然馬鄭去古未遠當時孔氏舊說必猶有存者摯甫注尚書一以司馬氏爲主其識誠在江孫之上若據此以盡廢馬鄭之誼竊不謂然向讀江良廷尚書集注音疏多穿鑿淺陋之說其妄易經字尤爲馬鄭之罪

尚書商誼序

文 莫 一 宣

人孫淵如陳誼疏通然而周以下諸篇率多鈔襲僞孔氏蔡氏及王江諸說之舊苟且成書君子病焉竊嘗條記江孫兩家之失並有與摯甫之書相發明者既與往復商訂因自哀爲三卷以質世之治是書者光緒十一年正月二十日新城王樹枬識

尚書商誼一

王樹枬

堯典

厥民因

因仍也仍與任通左傳仍叔穀梁作任叔白虎通云南方者任養之方夏氣主長養萬物民皆擔當任事助天養成之故曰因江訓因爲就不合

乃言底可續三載

史記作而言可續三載矣而言正釋乃言而乃皆汝也泉陶謨乃言底可續孫注云續與述通楚辭注述行也

尚書商誼一

文 莫 一 宣

此注亦當如之謂女之言至可行今三年矣孫謂史記無乃言言字誤史上句女謀事至句疑有脫訛

胥災肆赦怙終賊刑

此二句尋鄭意謂有胥災之失則赦之有怙終之賊則刑之以胥災與肆怙終與賊分爲二者失其誼

直哉惟清

直讀爲值詩柏舟釋文引韓詩曰直相當值也哉讀爲載詩文王陳錫哉周傳云哉載也直值哉載古通字周書諡法曰載事也直哉者當事也夙夜惟寅如論語居處恭直哉惟清如執事敬也二句蓋儼文

皋陶謨

庶明厲翼

易象上傳注云明猶才也廣雅釋詁云厲為也為翼即下文汝為汝翼言眾才為翼之也

亦行有九德亦言其有德乃言曰載采采

諸家解此文皆支離不適姚姬傳以亦言之言為我於其字亦不辭樹柎謂二亦字比較相問之辭謂人之有九德也亦行之乎亦言之乎故下文以乃言曰三字答之載采采者謂行之為貴也采采者事事行之也

九德咸事

尚書商誥一

二 文 莫 室

荀子致仕篇注云事行也咸事者行九德之謂也即載采采也孫詒事為職未得其誼

同寅協恭和衷哉

文選注云衷中心也謂同寅協恭以和其心也偽傳謂衷善也非是

鮮食懋遷有無化居

鮮食馬云生食也益掌草木鳥獸故曰暨益此鮮食字與彼同史遷詰鮮為稻又詰此為少食非也鮮食句懋遷有無化居句言鮮食者不得根生之食根通字馬氏謂根生之食是也因以懋遷其有無而化居之也史所謂調有餘補不足

是也淮南汜論注云化易也漢書張湯傳注引服虔云居儲也謂懋遷有無相易而儲之也

惟時惟幾

王伯申謂百揆時敘之時訓為承時之言承猶詩之言承此時亦當如之承繼也幾終也惟思也言救天之命思命之何以繼與命之何以終也史公說惟是幾安乃用惟幾惟康語此文無安意也

禹貢

覃懷底績

班志河內郡有懷縣無覃名史記索隱云覃懷二字或當時共為一地之名矣覃延也延及也及亦至也謂至於懷而底績也

尚書商誥一

三 文 莫 室

同為逆河入于海

合而入之曰同分而入之亦曰同地理志勃海郡莽曰迎河南皮縣莽曰迎河亭則入海之處不止一河也故曰同為逆河王子雍謂同逆一大河非也

朔南暨

孫以暨為與非也暨與既同物周禮閭胥注云故書既為暨杜子春讀暨為既既盡也朔南暨謂朔南盡處也故鄭云南北不言所至容踰之

盤庚上

子告汝訓汝猷黜乃心無傲從康

當以子告汝訓汝句猷黜乃心句以訓字猷字絕句者並非猷由同物廣雅由用也玉篇黜去也絕也猷黜乃心者用絕去乃不欲遷殷之心也傲當讀如皋陶誓無教逸欲有邦之教從當讀如呂覽恃君篇筋力不足以從利避害之從傲教音借字故漢書王嘉傳引無教作亡教教令也從就也從康者就安逸也無傲從康者無令民就安逸也諸說以傲為傲慢之傲失之

起信險膚

尚書商誼一

四 文 莫 室

孫謂起與也江謂起造言也信申也語意皆不安秦策高誘注曰起猶舉也舉讀如孟子舉欣欣然之舉丁云舉皆也起信險膚謂舉信險誠膚浮之言也

丕乃敢大言汝有積德

丕發語詞與不同如詩所言不顯不時不警不盈之類言施實德于民至于僚友乃敢大言汝有積德也九字通為一句讀下文丕乃告我高后丕乃崇降弗祥皆與此同

惰農自安不昏作勞不服田畝越其罔有黍稷

諸說皆以此為比喻之辭非是此四句乃實言受害之

故言汝不畏大害于遠邇使民皆惰耕此文莫自安不勉作勞不治田畝越其罔有黍稷此害之大者夫民之受此大害非民之過乃汝羣臣所致故下文責之曰汝不和吉言于百姓惟女自生毒也文義極明

乃既先惡于民

先首唱也荀子修身篇以善先人者謂之教楊倞注云先謂首唱也乃既先惡于民者言女既首唱惡于民也

女悔身何及

悔咎也悔身謂自咎其身襄二十九年公羊傳尙速有

悔于子身注云悔咎也此悔身與彼同

尚書商誼一

五 文 莫 室

其發有逸口矧予制乃短長之命

其當讀如襄三十一年左傳其輪之則君之府實也之其其若也爾雅矧况也毛詩傳云况茲也茲猶斯也則也言若發有逸口斯予制爾短長之命其與矧文誼正相應

盤庚中

盤庚作

諸家從鄭氏之說以作為作渡河之具非是古人文誼未有待後人足成而始明者樹柎謂作讀如作之君之作作猶立也盤庚作猶言盤庚立也謂立為君也鄭氏

謂上篇盤庚為臣時事此篇始言為君時事故以盤庚作三字領篇文誼甚明不宜別生枝節

其有眾咸造勿襄在王廷

造讀為聚易乾傳大人造也釋文劉歆父子作聚造聚音轉字其有眾咸造謂將遷之時其眾咸聚也勿讀為忽一切經音義十五引勿襄作忽媒勿忽媒襄音義皆通漢書楚元王傳注云忽怠也禮曲禮注云襄慢也謂有眾咸聚怠慢在王廷不欲遷也諸說皆曲

罔不惟民之承

承宜讀為列子黃帝篇並流而承之之承釋文云出溺

尙書商誼一

木 文 莫 室

為承與拯同

先王不懷厥攸作視民利用遷

孫云懷安也作始也樹柎謂當以攸字絕句遷字絕句謂殷降大虐先王不安其所始視民之所利而遷之也

承女俾女惟喜康共

承拯也承女句絕俾女惟喜康共句絕言我之承救女者使女惟喜康與共耳孫以其為供爾事增辭以解非是

動子一人

諸家以動為感動之動非是淮南精神篇不隨物而動

注云動猶惑也動子一人謂以浮言惑亂子一人也

惟胥以沈

案胥須需三字古通胥者需之借需者濡之通濡溺也沈沒也惟胥以沈惟溺以沒也與詩桑柔載胥及溺句法正同又詩雨無正淪胥以鋪淪胥以亡胥字俱當讀濡諸家訓胥為相非是

女誕勸愛

勸讀為觀列子楊朱篇故不為名所勸釋文云勸一本作觀管子七法篇立少而觀多注云觀當為勸勸觀古通借字爾雅釋詁云觀多也蔡邕石經誕作永永誕同

尙書商誼一

七 文 莫 室

說勸愛二字不辭
今子命女一母起穢以自臭恐人

應以女字絕句穢字絕句人字絕句大戴禮魏將軍文

子篇則一諸侯之相也盧辯注云一皆也一母起穢以自臭恐人者謂皆母作穢惡之專用自臭以恐得人也諸說以一為一其心志以恐人屬下讀為句非也

子迓績乃命于天

迓當從匡謬正俗作御說文無迓字襄二十六年左氏傳注云御進也謂進績爾命于天也諸家訓御為迎不

辭

故有爽德自上其罰女女罔能迪

案迪從由聲故漢書揚雄傳注云迪由也方言由迪正也東齊青徐之間相正謂之由迪由迪二字蓋聲兼誼馬氏注多方迪作攸亦同聲相借此迪字宜讀如上文若顛木之有由藥之由說文弓部作粵粵木生條也昭八年左傳今在析木之津猶將復由段若膺謂此由字亦當作粵與滅對文女罔能迪者言女有爽差之德上其罰女女罔能生也此句正申上女萬民乃不生之意

尚書商誼一

女分猷念以相從

分當從熹平石經作比比輔也下順從也猷與攸通所也言女順所思以相從也以猷為謀猷失之

盤庚下

亂粵我家

諸家以亂為治亂曰亂之亂非是亂亂也粵于也言降亂于我家也此節與上古我先王一節意誼大同上言古我先王欲大其前功廣雅將欲也史記宗隆多猶大也故降我凶德使民安業于朕之新邦此言上帝欲復我高祖之德故亂于我家使朕篤敬恭句承民命用永地于新邑也亂粵我

家與用降我凶德文誼正同

弔由靈各非敢違卜

某氏傳云弔至靈善是也樹楫謂由于也各皆也言子冲人非廢爾之謀至于謀之善則皆不敢違卜也

朕不肩好貨

釋名肩堅也堅專固之意言朕非專好貨財也所以供爾之生生也下文永肩一心肩亦堅也

高宗彤日

民有不若德不聽罪

若順也聽亦順也周書被之以刑民始聽注云聽順也呂覽行罪無疑注云罪罰也不若德不聽罪者謂施之以德而不順被之以刑而亦不順也蓋不知賞罰者也

王司敬民

釋名思司也周禮司市注云思當為司字司思古蓋通借王司敬民者王思敬民也此民字即上民有不若德不聽罪之民

微子

吾家耄遜于荒

鄭謂耄昏亂也吾家耄言吾家昏亂也欲保吾家亦惟遜于荒而已故史公述其意曰吾家保于喪也廣雅釋

詁荒遠也離騷將往觀乎四荒與此意同

今爾無指告

呂覽注云指直也今爾無指告者今爾不直告也史記

指告作故告故當為致字形之誤指致同字裴駢史記

集解亦以告字絕句

我舊云刻子

摯甫詁刻為責詁舊為久是矣樹柑尤謂云猶矣也辭之助也言我久矣責子以行也

牧誓

弗御克奔

尚書商誥一

十 文 真 部

馬云御禁也樹柑謂奔奔命者也荀子議兵篇奔命者

不獲注云奔命謂奔走來歸其命者弗御克奔謂不禁

其能奔命者蔡氏傳謂能奔來降是也

洪範

皇極之敷言

摯甫以皇極連讀對庶民極相僂為文較馬說直允樹

柑謂敷言至言也敷史記作傅詩苑柳箋云傳至也謂

皇極之至言庶民極之至言也

曰天子作民父母以為天下王

摯甫以曰字為更端之辭非也曰字承上而言言民之

所以近天子之光者蓋謂天子作民父母以為天下王

也此二句亦庶民極敷言之辭行光王韻若釋為更端

專言王者則王字不得其韻矣

大誥

弗造哲迪民康

造當為告音借字釋名釋書契云告覺也文四年左氏

傳疏云覺者悟知之意哲當從師古注作明智之人迪

用也牧誓昏棄厥遺王父母弟不迪史記周本紀作不

用哲迪民康者謂賢用民安也弗造者不知也謂不知

用賢安民也與格知之知正相應

尚書商誥一

十一 文 真 部

敷賁敷前人受命

莽以賁為奔走敷為傳近失其義樹柑謂上敷大也詩

常武鋪敦淮濱釋文引韓詩云敷大也賁亦大也書大

傳天子賁庸注云賁大也下敷布也敷賁敷者大布也

古書多有一誼而用兩字者如詩天保俾爾單厚毛傳云敦曰單厚也

尚書無逸用咸和萬民咸即誠字說禮樂記發慮慮原意字

求善其晉語假貸居賄假貸楚語蕃聚積實蕃聚一誼之

類皆是二敷字不嫌同文亦猶酒誥祀茲酒與下惟元

祀二祀字文同而誼異也

越小子考翼

摯甫以考翼為父之輔非也樹柎謂考終也楚辭身憔悴而考且注云考猶終也翼讀如詩以燕翼子之翼謂成之也見左傳文二年傳考翼者言終翼成之而不伐也下文考翼亦同

天閣誌我成功所予不敢不極卒甯王圖事

所字屬下讀為句所者所以也古人文簡往往用一字而意已賅猶上文爾知甯王若勤哉若勤為若此勤也淮南兵略篇唯無形者無可奈也奈即奈何而省言奈禹貢桑土既蠶是降邱宅土是即於是而省言是如此之類不可枚舉閱誌者隱庇也閱為隱密之館廣雅步

尚書商誼

三 天 莫 基

天棐忱辭其考我民

某氏曰下文越天棐忱康誥天畏棐忱君奭若天棐忱竝於忱字絕句此亦當然古棐匪字通漢書地理志錄禹貢文貢匪之匪皆作棐呂刑明明棐常墨子作明明不常則固讀棐為非矣天棐忱即天非忱猶君奭天難誑也辭籀文作嗣乃嗣之假字屬下讀嗣繼也謂天命不常繼其能考我民者也棐常猶不常正與繼字反對偽古文咸有一德天難誑命廢常常厥德保厥位即脫

胎此文常厥德之常字即此文嗣字之意

天亦惟用勤誌我民

誌讀為庇也言天殷勤以庇護我民也

厥考翼其肯曰予有後弗棄基

此言武庚不能守先人基業故以室舊之事喻之厥猶若也厥其同訓王引之謂其若也其得訓若厥亦得訓若無逸此厥不聽厥字亦當作若字解考終也翼翼成之也有讀為以有以古同聲同借有後者以後也言有如是之子若終翼成之其肯曰子以後不棄先人之基業乎言不知悔罪也此與上文考字文同誼異後儒一例相視遂失其誥

尚書商誼

三 天 莫 基

乃有友伐厥子

莽誥作迺有效湯武伐厥子據此則友當為爰爰與爰形近致譌廣雅爰效也故莽誥以效字代之但以爰為效湯武厥子指武庚則失其旨樹柎謂方言效明也言有明伐厥子而人長乃勸弗救者人與民古通用養與長古通訓昭二十年左傳杜注曰善長也民養猶人長謂為人長者王引之曰其猶乃也

敢弗于從率甯人有捐疆土

摯甫讀指為耆耆與底同定也十一字通為一句此與

上文所予不敢不極卒甯王圖事予曷敢不越印教甯王大命句法相同但謂率為叔之借字據爾雅叔清之訓謂率有清意則失其詰樹柎謂率與從一誼從率猶率從也古人文字不嫌倒置猶上文復反之為反復也從率即遵循不敢失墜之意

康誥

孟侯

孟明也禹貢孟豬周禮職方氏疏引作明都孟明通字大戴記誥志史記麻書俱云明孟也明侯猶明辟明君之誼北史張普惠傳杜弼遺書曰明侯深儒碩學身負

尚書商誥一

西文真室

大才執此公方來居諫職

宏于天

于猶如也言保民之德大如天也句中無德字者以見於下句故不重言之古書此例最多荀子引作宏覆乎天文誼尤明乎于通字

乃大明服

明服者明習也王逸楚詞橘頌注云服習也

蔽殷彝用其義刑義殺

蔽察也淮南本經明可見者可得而蔽也注云蔽或作察凡周禮弊邦治弊羣吏諸弊字皆有察意蔽弊通字

蔽殷彝用其義刑義殺者言察殷之法而用其善刑善殺也

不能厥家人越厥小臣外正

家人卿大夫有家之人也卿大夫稱家見公羊何注禮記鄭注不能不善也慎書百官公卿表注云能善也不能厥家人越厥小臣外正者言不能善其卿大夫及其小臣外正也諸說以家人為家室之人非是

我惟有及

及猶繼也荀子周公屏成王而及武王注云及繼也我惟有及者言我思繼文王之敬忌也

酒誥

尚書商誥一

五文真室

厥父母慶自洗腆致用酒

慶者周語有慶未嘗不怡注云慶福也洗者漢書律麻志云洗絜也腆者說文云設膳腆多也厥父母慶言父母福慶之事自洗腆致用酒言自絜膳而進以酒也詩幽風為此春酒以介眉壽箋云釀酒以助其養老之具即此誼下文所謂爾大克羞者惟君也

惟助成王德顯

此成王與上成王同謂盛王也顯與憲通字詩假樂顯顯令德中庸作憲憲是也德憲者德法也

罔顯于民祇保越怨不易

顯亦憲也保安也越于也言不能為法于民祇安于怨而不改易也應以民字斷句祇字屬下讀傳十五年左傳祇以成惡東京賦祇以招其愆尤與此句法正同

不克畏死辜在商邑越殷國滅無懼

辜字句邑字句罹字句謂不知畏死辜以存商邑肆殷國滅無憂懼也

梓材

汝若恆越曰

汝若者乃與也汝乃同訓王引之云若與也恆越者詩

尙書商誥一

末

恆之桓桓傳云恆徧也戴鈞衡云越揚言也謂與大家王君等徧揚言之也

亦厥君先敬勞肆徂厥敬勞

肆徂與下肆往同誼徂往也禮喪大記往猶後也後與先對文言君先敬勞今後臣民皆敬勞也爾雅肆今也

合由以容

由為迪之借字迪開導也孫引周禮注云合同也謂皆開導而容之言不殺也

惟其陳脩為厥驅吠

王引之謂陳脩皆訓治是也樹柎謂此八字當作一句

讀與下二句一律齊策注云為理也陳脩為謂治理也

古書多有此例多方篇爾曷不夾介又我周王一切經音義引介頤云夾輔也爾雅釋詁云介助也夾介一誼夾介又即輔治也周官始和布治于邦國都鄙王引之云和讀為宣和布一誼和布治即布治也與此句法正同

句法正同

尙書商誥一終

尙書商誥一

七

尙書商誼一

王樹枏

召誥

出取幣

幣卽下文惟恭奉幣之幣顧命所謂奉圭兼幣也此蓋諸侯所奉非賜周公之幣如鄭注所云旅王若公謂陳此幣於王及公也此王如東都諸侯來朝之時

錫周公

錫讀如九江納錫大龜之錫謂獻子也時周公尙攝政

故錫周公

尙書商誼二

智藏瘝在

智讀爲知爾雅知匹也謂人之有匹偶者淮南說林注云藏殘也藏古字祇作臧楚詞哀時命注云臧爲人所賤繫也智藏者人之夫婦多被殘賊賤繫卽下文所謂祖厥亡出執也祖及也及其亡出亦被拘執知藏則夫婦分離故繇在也無妻曰繇孫引詩何人不矜是矣矜繇同字

天迪從子保面稽天若

摯甫謂子保格保疑皆謂賢人以夏殷用賢勸成王無遺壽者也與余說同摯甫謂詩以神保謂神楚詞以靈保謂巫此格保卽賢人也樹枏謂保者天子之重臣如

君爽保衡是己子者穀梁宣十年傳其曰子尊之也注云子者人之貴稱格與假同大也子保格保尊而大之

猶言大保也迪與由通由從皆訓因見漢書外戚傳集注上作迪從下祇作迪其誼一也天迪從子保面稽天

若者言古先民有夏所以能得天之眷命者皆天因子保能勗稽天若也摯甫謂天若猶天道

其自時中义

以中爲中土中义二字不辭白虎通云中和也考工記注云中均也則此中當以和均之誼釋之

罔不在厥初生

生讀爲性古通字初性最善故以此勉之

丕若有夏歷年式勿替有殷歷年

王注老子莫若嗇云莫若猶莫過也則若有過誼爾雅替止住也則替有止誼言丕過有夏歷年亦不止有殷歷年也詩式微箋云式發聲

洛誥

王如弗敢及天基命定命

荀子儒效篇注云及繼也與下罔字文誼正相承如當從僞傳如往之訓

記功宗以功作元祀

記與已通應讀公曰己之已止也猶勿也一字句絕宗
猶崇也周公請王行祀事王即命曰止必功崇者主祭
故曰以功作元祀謙不敢當蓋以屬公故下文再接再惟
命曰三字而直以命公也汝者汝周公也此周公自述
王之命辭

孝經云昔者周公郊祀后稷以配天宗祀文王於明堂
以配上帝是以四海之內莫不各以其職來祭周頌云
於穆清廟肅雍顯相濟濟多士秉文之德對越在天駿
奔走在廟此皆周公攝祭之事即此經以功作元祀也

孺子其朋孺子其朋

尚書商誥二

三 文 莫 室

廣雅朋豳比也有親比之誼亦有比密之誼說文豳慎
也比密也密與慎同誼故繫辭云君子慎密而不出也
言孺子其慎密之下文無若火始焰焰即慎密之辭鑿
前日之流言也漢書梅福上書云母若火始庸庸致陵
于君權移于主然後防之亦無及矣甚得此經之誼成
王命周公攝行宗祀代受朝覲故周公力拒而以此戒
之

後漢書爰延傳周公戒成王曰其朋其朋言慎所與也
李注尚書周公戒成王曰孺子其朋孺子其朋慎其往
慎字即解朋字之誼諸家以朋為朋黨誤

乃惟孺子頌朕不暇聽

此二句結上文之辭言享與不享乃惟孺子分別之朕
不暇聽此也說文攸分也引周書曰乃惟孺子攸鄭云
成王之才周公倍之猶未而言分者誘掖之言也鄭意
蓋謂周公才倍成王乃言朕不暇聽而以分別享與不
享之事屬之成王者誘進成王之辭也鄭亦以分字句
絕猶未而言分者句疑有脫誤當是猶未暇而言孺子
分者

竹書紀年七年王如東都諸侯來朝其事見逸周書明
堂解王會解汝其敬識百辟享一段蓋即此時之言

尚書商誥二

四 文 莫 室

女往敬哉茲子其明農哉

明孟通字爾雅孟勉也廣雅農勉也明農猶勉也此
君臣相勉之辭猶皋陶謬元首明哉股肱良哉之誼諸
說以此為周公告退之語與君夷篇牴牾大失經旨
迂衡不迷

魏志裴注引延康詔作御衡不迷御衡猶言執衡言心
有準則也

夙夜誌祀

誌密也祀與祝同荀子出門而宗祀有事注云祀當為
祝夙夜誌祀謂夙夜密禱之也

承保乃文祖受命民越乃光烈考武王

此二句互文見誼謂承保乃文祖及乃光烈考武王受命民也古書多有是例

弘朕恭

禮記緇衣匪其止共釋文引皇本作躬云躬恭也謂以承保之事大之於朕身也宏讀如人能宏道之宏

乃命寧子以秬鬯二卣

九字當通為一句寧與噎同命寧猶丁寧也命丁聲近字下曰字即丁寧之辭使祭文武也

王命作冊逸祝冊

尚書商誥二

五 文 莫 室

應以作冊逸三字連文謂作冊之史逸猶論語言擊磬襄矣下文作冊逸同

多士

允罔固亂

固即罔之借字太元爭次二嚇河雁測曰嚇河之雁何可憫也司馬氏集注云憫與怙同

上帝引佚有夏不適佚

引佚謂引去也謂上天之心引去有夏也廣雅逸去也逸佚同字不適佚者言不知上帝引去之意孫云廣雅

適悟也不悟猶不知

大淫泆有辭

有辭謂有辭說也與洛誥女承有辭誼異文同江孫以有辭為有罪狀非也桀云天之日猶吾之有民日有亡哉此即其辭據多方篇大淫圖天之命府有辭則此應讀大淫句泆有辭句泆屑音借字

誕淫厥泆

誕淫厥泆即多方之誕厥逸也誕大也淫亦大也誕淫厥泆謂大其泆故多方省一字而誼猶如是

肆子敢求爾于天邑商

求讀為仇讎也言子不用爾非敢讎爾于天邑商也

尚書商誥二

六 文 莫 室

昔朕來自奄

鄭君云奄國在淮夷之旁周公居攝之時亦叛王與周公征之三年滅之自此而來歸案紀年徐奄及淮夷在成王二年叛三年滅殷伐奄四年王師繼之五年遷奄君子蒲姑夏五月王至自奄遷殷民于洛邑統而計之恰合三年之數與多方惟五月丁亥王來自奄至于宗周正合紀年即後出然晉人綜核三代情事實足證傳注之誤其言必有所授也此經係七年事故稱昔以追述之可知多方在多士之前矣史記魯世家言管蔡武庚收殷餘民封康叔於衛封微子於宋寧淮夷東土二